

## Tɔne atoorote keŋ Gyɔn be ɲmarase nɛ

<sup>1</sup> Maŋ kegyia Gyɔn ɲon ne ɲmarasena tɔne kei mee yelee nyan me gyoo kpaakpaa Gayose ɲon mɛɛ gyae neŋ lee me konɔɔ man nɛ.

<sup>2</sup> Me gyoo kpaakpaa, mɛɛ fane nyi kpene kamase dɛɛ de fa neŋ, na n ke kyaa wosedoŋ man ɲgba mena keŋ n doŋɛɛ Kristo gbɛɛneŋ dɔɔ nideli nɛ.

<sup>3</sup> Yɛɛ maŋ gyon deban keŋ de tebia Kristotena baale be koŋ kaa yako maŋ nyi n dana anokoare keŋ man nideli deban kamase nɛ. Te maŋ gbagba mɔ ma gyen nyi n doŋɛɛ anokoare keŋ man nideli.

<sup>4</sup> Kolo bɛɛ yɛɛ maŋ gyon nideli ɲgba me nyii nyi me bia silana anokoare keŋ nɛ ya.

<sup>5</sup> Me gyoo kpaakpaa, n dana anokoare ɲgba mena keŋ n ne kɛɛ da loŋtona Kristotena dɔɔ na ban gba be yɛɛ ɲɔɔlawɔ nɛ.

<sup>6</sup> Be man baale te yako daa Kristotena ban de kyaa kebo nɛ mena keŋ n ne gyae balan. Be koŋ bee gyu na, yɛɛ kakyeŋ na n ka lese n konɔɔ man lo wɔ gbɛɛ, ɲgba mena keŋ Wurubuare ne gyae nɛ.

<sup>7</sup> Nawolo nyi lee Kristo yele man dɔɔ te be doŋɛɛ, te boɔ ne lee kolo lee ban ba te yɛɛ Kristotenawɔ ya nɛ gyan ya.

<sup>8</sup> Mena dɔɔ daa Kristotena te kaboena nyi dɛɛ tela balan kewɔ dinɔɔ nideli, na daa na wɔ ke

yɛɛ nɔɔdokolon na dee nyin yako anokoare nombia nan Wurubuarɛ ba lese wola nɛ fa balan.

<sup>9</sup> Ma te tanɔgbɛɛ nmarase tone yeleɛ emɛɛ Kristotena ban ɛ kyaa botɔɔ nɛ, mɔna Dioterefese bɛɛ mo nombia nan mɔɔ nmarase yeleɛ non nɛ yɛɛ kolo ya. Nawolo nyi ɔ kegyaebii yɛna nyi non ke yɛɛ ɛ siamante.

<sup>10</sup> Mena dɔɔ akpaa me kɔn na maa lese nombia nan ɔ ne yɛɛ nɛ pou debɔɔ. ɔ dɔn ɔ ne di akɛɛɛ wɔlɛɛ da yele. Kɛna pou bɛɛ baa e ya, kenan wɔle na ɔ ne bɛɛ de tebia Kristotena ban be dɔnɛɛ bɛɛ yako Wurubuarɛ nombia nɛ keɛɛ. Te ɔ ne tɔ ban bɛɛ gyae baa lɛɛ wɔ nɛ gbɛɛ, te ɔ ne gegi wɔ gba lee Kristotena ban man.

<sup>11</sup> Me gyoo kpaakpaa, na kaseɛ dukum keyɛɛ ya mɔna kaseɛ deeli keyɛɛ. Nyan non n ne yɛɛ deeli na, n yɛɛ Wurubuarɛ bu e, te nyan non n ne yɛɛ dukum na n ba gyeɔn Wurubuarɛ ya.

<sup>12</sup> Walaɔn kamase ne di adanseɛ lee Demetiriyu wose man nyi ɔ yɛɛ walaɔn kpaakpaa e. Te mena keɔn ɔ ne sila Wurubuarɛ anokoare keɔn nɛ nawolo nyi ɔ yɛɛ walaɔn kpaakpaa e. Te daa gbagba mɔ ne di adanseɛ lee ɔ wose man nyi ɔ yɛɛ walaɔn kpaakpaa e, te ɛ gyeɔn nyi nombia nan pou dɛɛ yako nɛ yɛɛ anokoare.

<sup>13</sup> Me dana nombia burum maa yako neɔn, mɔna me bɛɛ gyae maa nmarase na do tone man ya.

<sup>14</sup> Me loo doo nyi maa kɔn kaa naa neɔn weeya ala kɛna. Wurubuarɛ waa fa neɔn wosefɛɛɛɛn. N tebia ban be kyaa kebo nɛ pou na do neɔn nɔɔ.

Do de tebia ban pou be kyaa botɔɔ ne walaŋ  
kamase nɔɔ fa maŋ.

**WURUBURE NOMBIA KPAAKPAA  
NŌŌKEBAKESEE WŌLE**  
**The New Testament in the Delo language of Ghana:**  
**WURUBURE NOMBIA KPAAKPAA NŌŌKEBAKESEE  
WŌLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

---

PDF generated using Haiola and XeLaTeX on 11 Jun 2026 from source  
files dated 17 May 2025  
80e9f745-c10c-5e3f-94bb-9d65aa1a1b11